

و محرر لرك بوتون مهم وعقیده وی (پرنسیدی بهل) خصوصاً ته هیئت تحریریہ
ایله استشاره ایتمه لری لازمدر . هیئت تحریریہ نشری ایچون اکثریت آرانك
موافقت ایتمدیكى مقابله لرك طبعنه ممانعت ایتمك حقنى حائزدر . خبریده نك
مدیر و محرر لری هیئت تحریریہ مسئولدر .
مالیه جهتی

۳۲ : — مدنی و اقتصادی مؤسسات ایچون لازم اولان وسائط
مادیه و تخصیصاتی کندى موافقی احتیاجاتی ایچون هر هیئت محلیه (قریه)
قضا و الخ .. هیئت اداره لری (آرشدیروب بولمقله مکلفدر .

۳۳ : — فرقه نقودی هیئت مرکزیه نك قراری وجهله صرف
اولنور . هیئت وزنه دارلری نقود خصوصاتی اداره ایدرلر . وزنه دارلر
هیئتله هر آیده وزنه معاملات و بلانچوسنی ارائه و ارسال ایدرلر . هیئت
هرایسته دکتری وقت قاصه بی معاینه صلاحیتی حائزدر .

۳۴ : — هر هیئتك وارداتك لاقل بر ثلثی هر سینه فرقه مرکز
صندوقنه تسلیم ایتمی لازمدر . مرکز صندوقی هیئت فعاله اداره و نقودی
فرقه اموری ایچون مناسب بولدیغی موقع و وجهله صرف ایلر .

فرقه وزنه لریه وقوع بولان تبرعات . قریه هیئتلری قضا هیئتلریه
بونلرایسه هیئت فعاله یه ارسال و انها صورتیله مرکز صندوقنه تسلیم اولنور .
دیگر خصوصات

۳۵ : — بونظامنامه داخلی فرقه مروج افکاری غرضه سنده اعلان
اولمقله و مجلس عمومیجه تغییر اولما نیجه قدر حائز اعتباردر . مجلس عمومی
فرقه نك داغیدلمسنى و یادیکر بر فرقه یه التصاقی تحت قراره آلدیغی تقدیرده
نظامنامه داخلی منسوخ الحکمدر . مجلس عمومینك بوقراری اتخاذ ایدیه بیلیمه سی
ایچون مرخصلرندن دوت خمس جلسه لرده اثبات وجود ایتمی و بونلردن
دوت خمس آرانك موافقتی شرطدر . فرقه اموالی حقنده ده بویله بر مجلس
عمومی و بواسولله هرایسته دیکى صورتی قرار لاشدیره بیلور .

۳۶ : — شپمدیکى اداره هیئتلى ۱۹۲۰ سنه سی نهایتنه قدر موقع
اقتدارده قالاچقندر . اگر فوق العاده مجلس عمومی بونلری تبدیل ایتمسه .

بوسنه سرائك آوستریالیلر طرفندن

صورت استیلاسی

آلمانیا دولتئك رئیس الوکلاسی موسیو بیس مارقل ریاستی تحتنده دول
سته نك مرخصلریله برلین شهرنده عقد اولنان قونفره مجلسنده اوچ سینه دنبرو
بوسنه وهرسك ولایتنده سرزده ظهور و دوام ایدن اختلافك دفع و آسایش
محلینك اعاده سی ایچون جواریت و اقتداری مناسبتیله مع مجارستان آوستریا
دولتئك ولایت مذ کوره یه عسکر سوقنه اکثریت آرا ایله قرار ویرلمشدر .
اسلاوونیا برودی نام محله صاوا نهری اوزرینه آوستریالیلر آخشاب
کوپری انشاسیله باش قوماندان یوسیب فیلیپوویچ [*] نامنده کی جنرالك
قومانداسی آلتنده برکونده اوچ محله مذ کور صاوانهری اوزرندن بوسنه
ولایتی طوپراغنه کچمه لرینه قرار ویریلرک تحقیق ایدیه بیلدیکم قدر اوتوز طاہور
بیاده واون طاہور سواری ویکرمی دوت صحرا و آلتش قدر طاغ طویتری
استصحابیله تاریخ هجری نك ۲۸ رجب سنه ۱۲۹۵ و فرنگی ۲۹ تموز ۱۸۷۸
سنه سنده مذ کور کوپریدن و صاوا نهری اوزرنده بولنان ایشلیلریله بوسنه
برودی قصبه سنده عساکر و مهمات حربیه و ادوات لازمه و ارزاق مقتضیه بی
کچورمکه باشلا یهرق ایکی اوچ کون قدر دوام ایدن سوقیاتك آرقه سی آلتقدن
صوکره ایلرویه حرکت ایتمشدر .

تاریخ مذ کورده غراف چاپاری نامنده عسکری قوماندانی مذ کور صاوا
نهرندن بوسنه شاماچ قصبه سنده عسکرایله کچدیکی کبی آرشیدوق ایوان سالواطور
قومانداسیله و معیتنده بولنان عسکر ایله بوسنه غرادیشقا قصبه سنده کچوب
اورادن بلا حرب فی ۳۱ تموزده مدینه بنالوقیه داخل اولمشدر .

جنرال فیلیپوویچ اردوسیله مغلاى قصبه سنده ۳ آغستوسده دخول و ایلرویه
[*] مومى الیه حروا ستانده بهک سنجاغنه همجوار اولان ایقاس سنجاغنك
غوسپیچ نام محله تولد ایتمی و بوسنه بی اشغالنده آلتش یاشنده بولمشدر .